

ԳՐԱԽՈՍՈՒԹՅՈՒՆ ԵՎ ՔՆՆԱԿԱՏՈՒԹՅՈՒՆ

Գ. ՀՈՎՍԵՓՅԱՆ. — ՀՆԱՐ-ԴՈՍ

Հայպետհրատ, Երևան, 1961, 481 էջ:

Հայ ունակության արձակը հանձին Ալեքսանդր Շիրվանյանի, Նար-Դոսի և Գրիգոր Զոհ-րապի նշանավորաց զեղարվեստական զարգացման մի նոր, առավել բարձր աստիճան: Մեր գրա-կանության այդ խոշորագույն ունակներից մեկի՝ Նար-Դոսի կյանքի և ստեղծագործության գիտական վերլուծությանն է նվիրված գրականագետ Գարեգին Հովսեփյանի «Նար-Դոս» սովա-րածավալ ուսումնասիրությունը, ուր հեղինակը հանգամանորեն քննարկել է մեծ ունակ-հոգե-բանի ստեղծագործությունը՝ սերտորեն կապակցված գրականության պատմական զարգացման ընթացքի հետ: Իր հետազոտության մեջ գրականագետը ձգտել է Նար-Դոսի արձակը ներկայացնել պաշարական ու ոճական միասնության մեջ: Մեթոդաբանական այդ ճիշտ մոտեցումը հնարա-վորություն է տվել հեղինակին բազմակողմանիորեն ցույց տալու այն խոշոր ավանդը, որ ներ-դրել է Նար-Դոսը ունակի զարգացման ասպարեզում:

Մենագրության առաջին գլխում Գ. Հովսեփյանը բարձրացնում է Նար-Դոսի ունակության մեթոդի առանձնահատկությունների հարցը, վեր է հանում ունակության հոգեբանական բարձր վարպետության և քննադատական խոր, հարուստ բովանդակության խոշոր նշանակությունը հայ գրականության համար: Դրսկան է այն հանգամանքը, որ մենագրության հեղինակը աշխատում է այդ ամենը ներկայացնել արձակագրի զեղարվեստական մեթոդի լինելության, ամրապնդման ու զարգացման ընթացքում, այն շարժատելով ընդհանրապես ժամանակի նշանավոր ունակների ստեղծագործական նվաճումներից ու տրագիդիաներից: Ընդհանուր առմամբ պետք է նշել, որ գրականագետին հաջողվել է ճշմարտացիորեն կողմնորոշվել մեթոդի տեսության հարցերում և հատկապես դիտականորեն վերլուծել Նար-Դոսի արվեստի էական կողմերը: Նար-Դոսի ստեղ-ծագործական մեթոդի բնութագրման կապակցությամբ քննության է առնվում մեծ ունակի գե-ղագիտական հիմնական սկզբունքները, պարզաբանում նրա ստեղծագործական դավանանքի էու-թյունը: Առաջին անգամ փորձ է կատարված ի մի բերելու կասկի արձակագրի հիմնական գեղա-գիտական ասույթները: Այդ նպատակով լայնորեն օգտագործված են Նար-Դոսի հոդվածները, նամականիներ, ինչպես և ժամանակակիցների հիշողությունները:

«Կենսագրական ակնարկ» գլխում մենագրության հեղինակը ընդարձակ ներկայացրել է ակա-նավոր ունակի կյանքի պատմությունը նշելով, որ առանձին ընկերների մոտ ժամանակին այն տպավորությունն է ստեղծվել, թե արձակագրի կենսագրությունն առանձնապես աչքի ընկնող կողմեր չունի, Գ. Հովսեփյանը մի շարք նոր տվյալների և այլ փաստաթղթերի հիման վրա, մաս-նավորապես Նար-Դոսի արխիվի նյութերի օգտագործմամբ, ներկայացնում է մեծ գրողի կյանքը, այն բնութագրելով որպես զրկանքների ու տառապանքների մի հերոսական տարեգրություն:

Նախքան Նար-Դոսի հիմնական զեղարվեստական փաստակի վերլուծությանն անցնելը մենա-գրության հեղինակը կանգ է առնում հեղինակի վաղ շրջանի մի շարք ստեղծագործությունների առանձնահատկությունների վրա: Այստեղ մասնավորապես խոսվում է բանաստեղծական փորձե-րի, «Մեղր ու ճաճեր», «Եղմարիտ բարեկամ», «Նունե», «Քնքուշ լարեր» և այլ գործերի մասին: «Պատմվածքի մեծ վարպետը» գլխում գրականագետը Նար-Դոսին բնութագրում է որպես հետե-վողական ունակի, կոմպոզիցիայի մեծ վարպետի:

Ոչ միայն հոգեբանորեն խորացված իր տիպերով, այլև գիտականորեն հիմնավորված գեղա-գիտական սկզբունքներով Նար-Դոսը գտնում է, որ գրողի հաջողությունը պայմանավորված է ժո-ղովրդի ճակատագրի հետ ունեցած սերտ կապով: Նար-Դոսը առաջին շրջանայաց հոգեբան արձակագիրներից մեկն էր, որ իր գրչակից ընկերների հետ ամրող խորությամբ և պարզությամբ ցուցադրեց իր ապրած ժամանակաշրջանը, դատավճիռ կարգաց բուրժուական մարդատյաց աշ-խարհին:

լայն են նար-Դոս արվեստագետի ընդգրկման շրջանակները: Նրա ուշադրության կենտրոնում են կյանքի հատակին գտնվող մարդիկ, իրենց յուրահատուկ ներքնաշխարհով, հույզերով, ապրումներով: Նար-Դոսի քննադատական-ոնախոսական մեթոդի հեմքում ընկած են ժողովրդական լայն զանգվածների շահերը, ձգտումները, գեղագիտական իդեալները:

Անդրադառնալով նար-Դոսի երկերի ստեղծագործական պատմությանը, գրականագետը համոզիչ փաստերով հաստատում է, որ նրա յուրաքանչյուր գործ կյանքի խոր ընդգրկման, հոգեբանական նրբակերտ զգացման արդյունք է: Անվանի գրողի ամենակարևոր արժանիքը, ինչպես նկատում է գրականագետը, ժոհի արտասովոր ներակերպով, հոգեբանական որոնումների միասնականության, տիրող ողբերգական զգացմունքների դուռը և միևնույն ժամանակ հարուստ բովանդակություն արտահայտող պատկերային սիստեմն է:

Որդեգրելով քննադատական ուսուցիչի ուղղությունը, նար-Դոսը սակայն միանգամից չհասավ ժողովրդական գրողի աստիճանին, միանգամից չդարձավ ազգային հպարտություններից մեկը: Ստեղծագործական երկարածիք և բարդ ուղի է անցել գրողը, մինչև բյուրեղացել, դասականացել է, դարձել բառի լայն իմաստով ժողովրդական, համահայրենական: 80-ական թվականների կեսերին նրա ստեղծագործական կյանքում տեղի ունեցած վճռական բեկումնից հետո անընդհատ ընդարձակվեցին, խորացան նարդոսյան սոցիալ-հոգեբանական տիպերի ընդգրկման շրջանակները, հեղինակի ստեղծագործական պատկերասրահը հարստացավ նոր, կենսահաստատող իմաքանդակներով: Մի քանի տարվա ընթացքում հայ դասական գրականությունը համալրվում է նար-Դոսի ներգործուն արվեստի կնիքը կրող լիարժեք պատմվածքներով, վիպակներով, վեպերով:

Ուսումնասիրության ամենաարժեքավոր գլուխները հեղինակի պատմվածքների, վիպակների, վեպերի վերլուծություններն են: Նար-Դոսն, անտարակույս, պատմվածքի մեծ վարպետ էր, բայց միաժամանակ վիպակի, վեպի մեջ սակավ մրցակիցներ ունեցող համաժողովրդական հեղինակություն: Երկու դեպքում էլ առկա է բարձրարվեստ, բարձրաճաշակ, բժականոր ստեղծագործող, գեղագետ, մտածող: Հեղինակի պատմվածքները քննարկելով ժամանակի սոցիալ-քաղաքական կյանքի ֆոնի վրա, ի. Հովսեփյանը եզրակացնում է, որ դրանք «...ունեն ունիկալ արժեք ու նշանակություն...», որ մեծահամբավ արվեստագետը վիթխարի ջանքեր է գործադրել «ոնախոսական պատմվածքը հայ դրականության մայրուղի դուրս բերելու համար»:

Եվ արդարև, հանձին նար-Դոսի, հայ պատմվածքն ու նովելը դուրս բերվեցին զարգացման լայն ուղի թև՝ ձևի, թև՝ բովանդակության տեսակետից: Գրական այդ ժանրին նա հաղորդեց համամարդկային երանգ, մեծ գրավչություն: Այդ դեռ բոլորը չէ. նար-Դոսի մանր գործերը, հատկապես «Մեր թաղը» շարքը, իր վրա գրավեց ոչ միայն հայ և օտար ընթերցողների, այլև գրողների, արվեստագետների ուշադրությունը, դարձավ ոնախոսական արվեստի բարձր չափանիշ:

Գրականագիտական բարձր մակարդակով են վերլուծված «Մեր թաղի» գրեթե բոլոր պորժերը, բայց ամենից ուշագրավը մեր կարծիքով՝ «Ինչպես բժշկեցին», «Սաքույն ուխտ գնաց», «Թի ինչ եղավ հետո, երբ շաքարամանից երկու կտոր շաքար պակասեց» պատմվածքների վերլուծությունն է: Խուսափելով նյութի շաբլոն, տրաֆարետային շարադրանքից, Գ. Հովսեփյանը հեղինակի վերոհիշյալ պատմվածքները քննության է առնում հասարակական երևույթների տիպականացման, գեղարվեստական ոճի ուղղության տեսակետից:

Նարդոսյան կերպարներից յուրաքանչյուրը (Ջուլիակ Թորոս, Իւրաց Գրիգոր, Մարթա, Օսան, Սաքույ, Յական, Յագոր, Աննա, Պաուլ Հեղինար և այլն) սոցիալ-հոգեբանական մի ուրույն աշխարհ է: Նրանց ընդհանրացմանը մեծապես նպաստում են «թաղի մարդկանց բարքերը պատկերող մանրամասերը», կենցաղին, սովորույթին վերաբերող տիպական նկարագրությունները:

Գ. Հովսեփյանի այն միտքը, թե նար-Դոսի պատմվածքներում ոչինչ գրքային մտացածին չկա, ավելորդ է ապացուցել: այդ անժխտելի ճշմարտությունը հաստատում են կյանքի հետ, կյանքի համար բախվող, փրկության հյք որոնող նար-Դոսի հերոսները: Նրանց հայացքներում, կենցաղներում անգամ դրված է ժամանակի կնճոտ կնիքը: «Մեր թաղի» մյուս մոտիվներում ես (Շողոմե վրա հասավ», «Հոպոպ», «Սև փողերի ռոկոսը») արտասովոր ուժով արտահայտվել է նար-Դոսի անխառն ժողովրդայնությունը, հումանիզմը, գեմոկրատիզմը:

Մեծ գրողի ստեղծագործական ճաշակմատյանում պատկառելի տեղ են գրավում վիպակներն ու վեպերը, հատկապես՝ «Աննա Սարոյան», «Սղանված աղավախ», «Պայպար» և «Մահը»: Այդ երկերը նյութի ընդգրկման, մարդկային ներքնաշխարհի բացահայտման տեսակետից, դասվում են հայ և համաշխարհային գրականության ոնախոսական լավագույն երկերի շարքը:

Քննարկելով նար-Դոսի «Աննա Սարոյան», «Սղանված աղավախ», «Տանտիրոյս աղբիկը» վիպակները, ուսումնասիրության հեղինակը մատնանշում է այն ներքին օղակը, որ նրանց միաց-



նում, մի ընդհանուր ամբողջություն է դարձնում: Դա բուրժուական հասարակության ղեմ ուղղված հեղինակի արգահատանքի զգացումն է, հասարակական սխտեմի տարրեր կողմերի ղեմ ունեցած մերկացման տենդենցը:

Մինչև վերջը հավատարիմ մնալով ճշմարտության սկզբունքին, նաև Դոստոևսկու պատգամ է բուրժուական շահամոլների վարագործված դիմակները, պաշտպան կանգնում վերջիններիս կողմից հայածված հասարակ մարդկանց: Դրամի կուտակման մոլուցքը մարդուն դուրս է բերում մարդկային ամեն սահմաններից, դարձնում ենասեր, բռնապետ, զազալ զրկվել զրամագլխից, նարստությունից, նշանակում է զրկվել զիրթից, հեղինակությունից, դառնալ ամենաողորմելի արարածը աշխարհում:

Վերլուծելով «Աննա Սարոյան» վիպակը, կանգ առնելով գլխավոր հերոսուհու սոցիալ-հոգեբանական բնութագրի վրա, Գ. Հովսեփյանը ընդհանրացնում է, գտնելով, որ «...Աննա Սարոյանի խառնվածքի մեջ ճշմարտացի արտահայտություն են գտել մի ամբողջ երիտասարդ սերնդի բախտի, նրա հոգեբանության... առանձնահատուկ գծերը: Դրականը, արժեքավորն այն է, որ խոսելով «Աննա Սարոյանի» մասին, գրականագետը չի սահմանափակվում հերոսուհու առկամ այն միտքը, բնավորության դիժը սոսկ արձանագրելով, այլ դրանց հիման վրա կատարում է հեղինակի ղեմոկրատական աշխարհայացքին, ռեալիստական արվեստին վերաբերող կարևոր ընդհանրացումներ:

Իրեն վիպակն էլ (սկսանված աղավնին, «Աննա Սարոյան», «Տանտիրոջ աղջիկը») քննության են առնվում արձակագրի գեղարվեստական մեթոդի զարգացման տեսակետից և վեր հանվում այդ երկերի նոգեբանական պատկերման մեծ նշանակությունը: Հոգեբանական ռեալիզմը իր ուրույն մարմնացումն է գտել նաև «Պայքար» վեպում, ուր անխնա կերպով քննադատության են ենթարկված հասարակական հարաբերությունները, արատները, լիբերալների ու պահպանողականների հայացքները, ընդգրկելով կենսական մեծ նյութ: Աշխատության մեջ մանրամասն կերպով և հաջողաբար բացահայտվում է առանձնապես Մանեի հոգեբանական բարդ խառնվածքի տիպականությունը և հարստությունը: Վահանի և մյուս կերպարների հիմնական յուրահատկությունների լուսաբանությունը նույնպես կատարված է հմուտ կերպով, հաշվի առնելով կյանքի արձակագրի հարուստ երանգապնակի բոլոր գույներն ու նրբերանգները: Այս կերպ աստիճանաբար դրսևորվում է և խորապես արժեքավորվում ականավոր ռեալիստի հոգեբանական վերլուծությունների ողջ հարստությունը, զգացմունքների ողբերգական զեղեցկությունը: Մենագրությունում լուսաբանված են նաև երկրորդական տիպարները, որովհետև դրանց բնութագրության մեջ նույնպես արձակագիրը հանդես է գալիս որպես ճշմարիտ հոգեբան-արվեստագետ: Խոսելով «Պայքար» վեպի գեղարվեստական առանձնահատկությունների մասին, գրականագետը ուշադրություն է դարձրել նաև Նար-Դոսի դրսևորած երգիծական ունակություններին, որոնք արտահայտված են Վահանի հեղինակյա մտածելակերպի և վարքագծի մեջ: Գրականագետը անվիճելի է համարում այն հանգամանքը, որ Վահանը յուրովի արտահայտում է Նար-Դոսի բացասական վերաբերմունքը լիբերալների և պահպանողականների մտայնության ու հարաբերությունների մասին: Մյուս կողմից, հավասարության նշան չի դրվում հեղինակի և Վահանի համոզմունքների միջև:

«Մահը» վեպի վերլուծության ընթացքում հանգամանորեն ցույց է տրվում, թե ինչպես է արձակագիրը, օգտագործելով հայ և ռուս վեպի տրադիցիաները, կարողացել վերարտադրել ժամանակի իրականության տիպական կողմերը: Այդ վերլուծությունների դրական կողմն այն, որ գաղափարական բովանդակությունը զուգորդվում է գեղարվեստական առանձնահատկությունների լուսաբանման հետ և վեպն, այսպիսով, արժեքավորվում է որպես մի կենդանի, ամբողջական օրգանիզմ: Շեշտելով «Մահը» վեպի ռեալիստական արվեստի հիմնական յուրահատկությունները, Գ. Հովսեփյանը ցուցաբերում է գրականագիտական հետաքրքրությունների բազմակողմանիություն և ընդհանրացումներ կատարելու ունակություն:

Մենագրության հեղինակը պատշաճ ուշադրություն է դարձնում նաև վեպում Շահյանի կողմից արտահայտված հոռետեսական տրամադրությունների քննադատությանը: Ինչպես հայտնի է, ղեռն կան գրականագետներ, որոնք շարունակում են հավասարության նշան գնել Նար-Դոսի ու Շահյանի համոզմունքների միջև և անտեսում են վեպում հոռետեսության ղեմ ծավալված հետևողական ու անողոր քննադատությունը: Մենագրության մեջ այս հանգամանքը ցույց է տրված արժանահավատ կերպով ու համոզիչ օրինակներով: Ուշագրավ են այդ տեսակետից իվալի ու Աշխենի վեճերն ու տարածայնությունները Շահյանի հետ: Իսկ Միխայիլի դիպուկ խոսքերի մեջ ալվելի որոշակի է արտահայտված վիպասանի գաղափարական դիրքորոշումը. — «Զէ՛, ամենին չէ: Իզուր ես բարկանում: Իս նրա համար եմ այդպես կարծում, որովհետև քո այդ

Շոպենհաուերը հենց ինքն է առաջինը, որ ծաղրում է իր քարոզած մտքերը, նա կյանքն անտանելի թշվառություն էր համարում, բայց ինքը փառավորապես օգտվեց այդ կյանքից ամբողջ յոթանասուն տարի: Մարգկությանը նա գեպի մահ էր հրավիրում, բայց ինքը, շարունակ ատերձանակ էր ման ածում հետը անձնա... շկարծես անձնասպանության, ոչ — անձնապաշտպանության համար: Մարգկության թշվառության աղբյուրը նա կանանց էր համարում, բայց ինքը շարունակ կանանց գրկումն էր երջանիկ ժամեր գտնում և վերջը, կարծեմ, ապօրինի զավակներ թողեց: Մի այլ կապակցությամբ նույնպես շեշտվում են Մինասյանի համարձակ խոսքերը, որոնք օւղղված են պեսիմիստական փիլիսոփայության դեմ. «Երիտասարդ մարդ ևս, ինչ ևս նստել տան շորս պատերի միջև ուղեղդ ու մարմինդ փտեցնում մետաֆիզիկական տխմար վերացումների մեջ»: Աշխատության մեջ էական տեղ է զբաղում Շահյանի վերջին խոսքի հանգամանալի վերլուծությունը, որին հատկացված է մի առանձին գլուխ: Այստեղ մեկ առ մեկ լուսարանված են Շահյանի վերջին խոսքում շոշափված փիլիսոփայական ու էթիկական հիմնական հարցերը: Գրականագետը ճիշտ է նշում, որ վերջին խոսքը բխում է Շահյանի տիպի վարքագծի, նրա հոգեբանության տրամաբանական զարգացումից: Շեշտվում է հատկապես նարդոսյան քննադատության օբյեկտիվ բնույթը:

Գ. Հովսեփյանի աշխատությունը առանձին թերություններով (որոշ ձգձգված հատվածներ, կրկնվող մտքեր, դատողություններ, լեզվա-ոճական առանձին անհարթություններ) հանդերձ, ներդրում է ոչ միայն նարդոսագիտության, այլ առհասարակ հայ գրականագիտության մեջ: Հայ դասական արձակի ականավոր ներկայացուցչի ստեղծագործական այս ամբողջական ուսումնասիրությունը մեծ օգնություն է հայ գրականության պատմությունը մոտիկից ուսումնասիրողներին:

Ս. Հ. ՍԱՐԳՍՅԱՆ